

**პროგრამის დასახელება:** საერთაშორისო ეკონომიკური ურთიერთობები

**მისანიჭებელი აკადემიური ხარისხი:** მეცნიერების მაგისტრი საერთაშორისო ეკონომიკურ ურთიერთობებში  
**(MSc in International Economic Relations)**

**სამაგისტრო პროგრამის ხელმძღვანელი:** სრული პროფესორი ლარისა ყორღანაშვილი

**სამაგისტრო პროგრამის საკვალიფიკაციო დახასიათება :**

• **მიზანი:**

პროგრამის მიზანია შრომის მსოფლიო ბაზარზე კონკურენტუნარიანი სპეციალისტების მომზადება, რომელთაც ექნებათ საერთაშორისო ეკონომიკური ურთიერთობების ინტეგრირებული, სისტემური, ფუნდამენტური თეორიული და პრაქტიკული ცოდნა, აზროვნების დამოუკიდებლობა და შემოქმედებითი ხასიათი, გლობალურ გარემოში მუშაობის უნარ-ჩვევები.

პროგრამა ითვალისწინებს საერთაშორისო ეკონომიკის ფუნდამენტური თეორიული ცოდნისა და საერთაშორისო ეკონომიკური ურთიერთობების სხვადასხვა სფეროს პრაქტიკული გამოცდილების შერწყმას, რის შედეგად კურსდამთავრებულს ეძლევა თეორიისა და პრაქტიკის ინტეგრირებული და სინთეზირებული ცოდნის გამოყენების შესაძლებლობა.

“საერთაშორისო ეკონომიკური ურთიერთობების“ სამაგისტრო პროგრამით სპეციალისტთა მომზადების აქტუალურობა განპირობებულია გლობალიზაციის პროცესების ინტენსიფიკაციით, რის შედეგად იზრდება სახელმწიფოთა ურთიერთკავშირები, ფირმების საქმიანობა კი ეროვნულ საზღვრებს სცილდება. საერთაშორისო ურთიერთობებს განსაკუთრებული მნიშვნელობა აქვს ისეთი მცირე ქვეყნისათვის, როგორც საქართველო. “საერთაშორისო ეკონომიკური ურთიერთობების” სპეციალობა გლობალურ ეკონომიკურ სივრცეში სუვერენული სახელმწიფოს ინტეგრირებისა და საერთაშორისო ეკონომიკური კავშირების ეფექტიანობის ამაღლების შესაძლებლობას იძლევა. პროგრამა ეფუძნება საერთაშორისო ეკონომიკის თანამედროვე თეორიასა და პრაქტიკას, გლობალიზაციის, ტრანსნაციონალიზაციისა და კულტურათაშორისი მიდგომების გათვალისწინებით.

• **შედეგი:**

მეცნიერების მაგისტრის ხარისხი საერთაშორისო ეკონომიკურ ურთიერთობებში ენიჭებათ სტუდენტებს, რომლებსაც:

- აქვთ ფუნდამენტური ცოდნა საქონლის, წარმოების ფაქტორებისა და ფინანსური აქტივების საერთაშორისო მოძრაობის კანონზომიერებათა შესახებ, შეუძლიათ ამ ცოდნის ინტეგრირება საერთაშორისო ეკონომიკის თანამედროვე პრინციპებისა და მეთოდების გამოყენებით;
- შეუძლიათ საერთაშორისო ეკონომიკური, ფულად-საკრედიტო და სავალუტო პოლიტიკის დამოუკიდებლად წარმართვა;
- გააჩნიათ გლობალური ეკონომიკური ტენდენციების ანალიზის, მიღებული შედეგების შეჯერებისა და სინთეზის, განზოგადებული დასკვნების გაკეთების უნარი; საკუთარი დასკვნების საჯარო წარმოდგენა, მათი მკაფიო

დასაბუთება შესაბამისი ცოდნითა და ლოგიკით როგორც სპეციალისტებთან, ისე არასპეციალისტებთან;

- ზოგად კომპეტენციასთან ერთად, გააჩნიათ საერთაშორისო ეკონომიკური ურთიერთობების სხვადასხვა სფეროს შესაბამისი სპეციალური კომპეტენცია, კრეატიული და ინოვაციური საქმიანობის უნარ-ჩვევები;
- აქვთ საერთაშორისო ეკონომიკის ისეთი სიღრმისეული და სისტემური ცოდნა, რომელიც იძლევა დოქტორანტურაში სწავლის გაგრძელების შესაძლებლობას.

• **დასაქმების სფერო :**

მაგისტრატურის კურსდამთავრებულების საქმიანობა დაკავშირებულია საერთაშორისო ეკონომიკურ, სავალუტო-საკრედიტო და საფინანსო სფეროებთან, დიპლომატიურ სამსახურებთან, ტრანსნაციონალური კორპორაციების საქმიანობასთან. კურსდამთავრებულებს შეუძლიათ იმუშაონ ეკონომისტებად, ფინანსისტებად, კონსულტანტებად, ექსპერტებად საერთაშორისო ორგანიზაციებში, სახელმწიფო დაწესებულებებში, სახელმწიფო და კერძო საკუთრების საერთაშორისო და ეროვნულ ფირმებში. კერძოდ, ტრანსნაციონალურ კორპორაციებში, საერთაშორისო ბანკებსა და სხვა ფინანსური დაწესებულებებში, სახელმწიფო დაწესებულებებში (პრეზიდენტის აპარატი, პარლამენტი, სამინისტროები), საერთაშორისო ორგანიზაციებში (გაეროს, მსოფლიო ბანკის, საერთაშორისო სავალუტო ფონდის და ა. შ. სტრუქტურებში), საგანმანათლებლო დაწესებულებებში, საერთაშორისო არასამთავრობო დაწესებულებებსა და ყველა იმ ორგანიზაციაში, რომელთა საქმიანობა ეროვნულ საზღვრებს სცილდება.

• **სამაგისტრო პროგრამაზე მიღების წინაპირობები :**

სამაგისტრო პროგრამის სტუდენტი შეიძლება გახდეს პირი, რომელსაც აქვს ბაკალავრის ხარისხი ან მასთან გათანაბრებული დიპლომი. პრაქტიკული გამოცდილების სტაჟი არაა სავალდებულო.